

Joachim Albinus Christoph Pauli

Quarta Disputatio Feudalis De Constitutione Feudi Per Investituram Eiusdemque Inter Vivos Acquisitione Per Praescriptionem Et Sententiam Iudicis

Rostochii: Ferberus, 1621

<http://purl.uni-rostock.de/rosdok/ppn730894363>

Druck Freier  Zugang



Q V A R T A

26⁴

6

DISPUTATIO FEUDALIS

De

CONSTITUTIONE
FEVDI PER INVESTITU-
RAM EJUSDEMQUE INTER
VIVOS ACQVISIONE PER PRÆ-
SCRIPTIONEM ET SENTENTIAM
JUDICIS,

Quam

DIVINI FAVORIS GRATIA PRÆEUNTE,

Indultu & Auctoritate Magnifici Amplissimæ Facultatis
Juridicæ Senatus in celeberrima Rhodopolitana,

SUB PRÆSIDIO

D N. JOACHIMI ALBINI
J. U. D.

Publici exercitii gratiâ discutiendam proponit

CHRISTOPHORUS PAVLI Grimmâ-
Pomeranus.

In Collegio Magno horis à 7. matutinis ad diem 27. Januarij.

~~1621~~

ROSTOCHII,

Typis AVGVSTINI FERBERI, Anno 1621.

R. U. - jur 1621 Albinus, Joachimiff



DISPUTATIO FEVDALIS IV.

DE

CONSTITUTIONE
FEVDI PER INVESTITURAM, EJUS-
DEMQUE INTER VIVOS ACQUISITIO-
ne per Præscriptionem & Sententiam Ju-
dicis.

Π Α Ρ Α Σ Κ Ε Ξ Η.

Feudi Efficiente, nempe Personis tam dantibus quàm acci-
pientibus feuda enucleatis, & Materiâ puta Rebus, quæ in
feudum erogari possunt, evisceratis, observaturi susceptæ
Methodi leges, monente JCro Paulo in l. 1. pr. ff. de doli
mali & met. except. inoffensò pede, ad Formam, quam Effi-
ciens, ut Finem, cujus ergò feudum constituitur, asequatur,
rudi huic & informi Materiæ, inducit per Investituram quæ
~~de~~ hac in parte paginam utramq; facit, adeòq; necessarium
feudi signum est, Roland. à Vall. consil. 50. n. 9. vol. 3.
ut sine illa, Gerharδο attestante in c. un. 1. F. 25. neuti-
quam constitui possit, transitum facimus; insimul paucula de
Feudi Acquisitione inter vivos per Præscriptionem & Adju-
dicationem levi pollice decerpturi.

T H E S I S I.

Constituendi (a) Feudum, modus unicus (b) est In-
vestitura (c).

(a) Quia commodius est singulas causas, singu-
lis appellationibus distingui, docente Imp. in §.
hoc autem casu §. 1. Quib. mod. testam. infirm. ideòq;
modos feudum constituendi, à modis idem
acquirendi sequestrandos remur, inducti rubric.

G 2

G. H. L. de

c. un. l. f. 25. c. un. in fin. 2. f. 1. c. un. in pr. 2. f. 23.
Constitutionem enim ut præambulam, subse-
quitur acquisitio, quantumlibet nonnunquam
accidere possit, ut utraq; tempore sit simul, na-
tura tamen prior est acquisitione constitutio.
Hermann. Vultei. lib. 1. Feud. c. 7. n. 1. & 2. Johann.
Schneidw. in Epir. Feudal. part. 4. n. 2. & ibidem in
adnotationibus lit. B. Dn. Conrad. Rittershus. in Par-
tit. Feudalib. lib. 1. c. 8. quest. 1. Georg. Ohrechr. in tra-
Feudal. lib. 2. c. 11. n. 1. & 2. Gothofred. Anton. Diss.
Feud. 4. th. 1. lit. A. Dn. Matthias Stephani Diss. Feud. 4.
th. 1. Helfricus Ulricus Hunnius tract. Feud. c. 10. in pr.
pag. 186. & c. 11. pag. 266. Cæterum Feudorum
compilatores & vulgo Dd. alter alterum fe-
quuti exemplo avium, quas regales appellant,
quarum unam prævolantem reliquæ omnes car-
tervatim insequi solent, Jacob. Thoming. decis. 48.
n. 21. hanc distinctionem fastidiverunt, quod &
Oberum fecisse in c. un. in prin. 2. f. 33. conqueritur
Matth. Wesemb. in Epir. Feud. c. 6. in pr. (b) c. un. l.
f. 25. Herm. Vult. lib. 1. Feud. c. 7. n. 4. Conrad. Rit-
tersh. d. l. Mozz. de subst. Feud. n. 33. Hann. d. tract.
c. 11. pag. 271. (c) Eadem dicitur Investitio c. un. l.
f. 26. c. un. l. f. 28. nostrate lingua die Beschnung
der Lehenenschaft / Johan. Schneidw. in Epir. Feud.
part. 4. n. 2. Unde autem hæc vox descendat,
non est consona omnium sententia. Vult. l. f.
c. 7. n. 5. Dominic. Arum. Diss. Feud. 5. th. 4. & alij
Opinionem Cuiacij lib. 8. Obs. c. 14. & in com-
ment. ad c. un. in pr. 2. f. 3. hanc vocem esse Ro-
manam probantis, amplexantur. Henricus Bocerus
in tract. de Investitura Feudi c. 1. n. 15. Rittersh. in
Part. feud. lib. 1. c. 8. quest. 2. Gothofred. Anton. Diss.
Feud. 4. th. 1. lit. C. Hotomanni in Lexico verb.
Investitura, haur inconcinnè eam derivantis à
Germanico Best & Bestigen / quod firmare de-
notat

notat (unde etiam in titulis increbuit, *Ervesti* / quasi dicas, retinens ac servans honoris) siquidem ipsa Investitura realiter confirmetur Vassallus sententiae *subscribunt* Et quis negaret, quin distortam hanc, semicrudam & barbaram voculam Pop. Quirit. lustralibus febris expiasset, si purissimo isthoc seculo exaudita fuisset ? Conjecturam hanc *Bocero d. l. teste* juvat, quod maximam partem voces in Feudorum libris origine tenus germanicae videantur, ut sunt *Morganatica Marchio, Marchia, Vassallus & c.* quibus in nostro idiomate respondent, *Morgengab / Marggraff / March / Waselen, & c.* Contrarium est disvestire *c. un. 1. F. 7.* vel Exfestucare quasi per signum festucae auferre, hoc est, adimere feudum. *Conrad. Rutersh. praedileg. loc. Valent. Arithmeus Disp. Feud. 7. th. 1. lit. B.*

II.

Quam (a) definimus, quod sit rei feudalis solennis (b) cessio (c) à Domino vel ejus Procuratore (d), Vassallo, aut alij ipsius nomine, speciale mandatum habenti (e) coram certis quibusdam Personis (f) sub praestatione fidei facta. (g)

(a) Vox haec *εὐλόγησις* est, modò in genere sumitur, & quemlibet actum significat, quo alicui possessio quocumq; jure conceditur *gloss. in pr. 1. de V. Oblig. in verb. firmum*, quia ut homo vestitur vestibus, ita quilibet possessione feudi, Emphyteusica vel alterius rei quodammodo vestiri videtur, *Andr. Knichen in tract. de Investitur. pactioib. part. 1. c. 1. n. 1.* modò specialiter & ad Feudum refertur *c. un. 1. F. 25.* & tum vel ipsam feudi possessionem *c. un. 2. F. 2.* vel Instrumentum Investiturae, quod Breve Testamentum alio nomine dicitur *c. un. 2. F. 32. Vid. infra*

G 3

th. 14.

ib. 14. Den Lehenbrieff / vel ipsum investendi actum (quæ genuina & hujus loci significatio) Die Belehnung der Lehenſchaft/die Belehnempfunguß denotat *c. un. 1. F. 25. c. un. 2. F. 1. Vult. lib. 1. de Feud. c. 7. n. 6. Georg. Obrecht, tract. Feud. lib. 2. c. 8. n. 4. Bocerus de Invest. Feud. c. 1. n. 12. (b) c. un. 2. F. 2. c. un. 2. F. 32. (c) cui nonnunquam dat causam mutuam *συνάλλαγμα* seu contractus, ut Emptio Cambium, & similes, per quos tamen feudum nobis non acquirimus, sed alterum nobis obstringimus ad dandum vel faciendum aliquid, l. Obligationum 3. in pr. ff. de O. & A. l. traditionibus 20. C. de pact. Vult. lib. 1. de Feud. c. 7. n. 7. Hunn. tract. Feud. c. 11. pag. 272. (d) *c. un. §. 1. vers. sed utrum 2. F. 3. c. 1. §. item sciendum §. item investitura 2. F. 18. ad hoc speciale mandatum habente Jacob. de S. Georg. in verb. qui quidem investit. n. 11. & 12. Ferem. Seifer de Furam. lib. 2. c. 2. n. 15. vel Domino ratihabitione hunc actum consolidante l. quod si 26 ff. de Minor. Sic Procurator qui Principis nomine Investituram facit, est Cancellarius, ut dicitur Wesenb. de Feud. c. 8. & vacante Imperio Elector Palatinus ad Rhenum ex aurea bulla Carol. IV. tit. 5. de Jure Comit. Palatini Rheni &c. (e) Utrinque enim hoc negotium per Procuretores expediri potest *c. un. 2. F. 3. ibiq. Gothofred. (f) c. un. 2. F. 2. c. un. 2. F. 3. 2. vid. infra th. 10. (g) c. un. 2. F. 5. 6. 7.***

III.

Investitura fit aut de novo aut de veteri beneficio,

(a) Unde prima ejus divisio in novam & veterem resultat. (b)

(a) *c. un. 2. F. 3. (b) c. un. vers. novam 2. F. 32. c. un. 2. F. 91. in Extraord. Bocer. de Investit. Feud. c. 2. n. 1. & 2. Obrechts tract. Feud. lib. 2. c. 8. n. 9.*

4. Altera

IV.

Altera divisio est in Propriam & Impropriam.

Per text. in c. un. 2. F. 2. Ful. Clarus in §. Feudum quest. 26. n. 1. Mozz. de subst. Feud. n. 35. Borcholt de Feud. c. 7. n. 4. Wesemb. de Feud. c. 8. n. 11. Francic. Sonsbec. part. 9. n. 2. Ludolph. Schrad. p. 5. c. 2. n. 1. Schneidv. p. 4. n. 9. Eberhard. Bronchorst in sua Method. Feudal. c. 5. pag. 59. Bocerus de Invest. Feud. c. 7. n. 4. Hermann. Vultei. autem lib. 1. F. c. 7. n. 11. & Niell. Disp. Feud. 4. th. 3. lit. F. hanc communiter receptam divisionem exauctorare annuntur argumentis haut frivolis. Sed quia rotundus Juris nostri Feudalis textus eam statuminat, non Minervæ calculus nobis erit, hujus & illius auctoritas. Domin. Arum. Disp. Feud. 5. th. 6. Joham. Cæd. Disp. F. 3. th. 2. lit. C. Dn. Matthias Stephan. Disp. F. 4. th. 1. Hunn. in tract. Feud. c. 1. p. 306.

V.

Illa est rei Feudalis apprehensio, Eiusdemq; vacuæ possessionis realis traditio.

c. un. 2. F. 2. c. 1. 2. F. 33 cum scilicet Dominus Vassallum suum corporaliter & realiter in possessionem fundi Feudalis inducit, Wann der Lehman in den Besit des Lehnguts Wirklich vnd Leiblich einverleitet/ eingesetzt/vnd installiret wird/ ut vulgò loquuntur Dn. Conrad. Rittersb. in Partit. F. lib. 1. c. 8. n. 4. Bocerus de Invest. Feud. c. 2. n. 71. Wesemb. de Feud. c. 8. n. 11.

VI.

Hæc est (a) futuræ possessionis (b) per verba (c) & signa (d) adumbratilis & imaginaria repræsentatio,

(a) Dicitur aliàs à Dd. Abusiva, Borcholt de Feud. c. 7. n. 1. Verbalis Schneidv. part. 4. c. 1. n. 4. Cereimonialis Bronchorst in Method. Feud. c. 5. Civilis Egum.

*Equin. Baro in c. un. 2. F. 4. utputa quæ contractum
ultrò citroq; obligatorium quidem corrobo-
rat, sed non extemplò facit Vasallum rei feu-
dalis possessorem, nisi res, castrum, fundus & c.
oculis sint exposita, tum enim transfert
posselsionem & pro traditione naturali habe-
tur arg. l. Clavibus 74. ff. de contrah. Empt. Nam o-
culi longæ manus instar habentur l. possessio. 1.
§. pen. l. quod meo nomine. 18. §. 2. ff. de acquir. vel
amitt. possess. Dn. Conrad. Rittersh. in Part. Feud.
lib. 1. c. 3. quest. 6. Borcholt de Feud. c. 7. n. 7. (b)
quam præcise dare tenetur c. un. vers. si facta 2.
F. 26. sin minus, Vasallus per eam facultatem
consequitur, vel propria auctoritate possel-
sionem apprehendendi arg. d. l. 1. §. pen. l. 18 §. 2.
ff. d. acquir. vel amitt. possess. Johan. Borch. de Feud.
c. 7. n. 7. Hunn. tract. Feud. c. 11. pag. 309.
vel actione competenti cogendi Seniore
ad rei in feudatæ præstationem, si ejus ha-
bet facultatem Wesemb. consil. 64. n. 3. nec
præstando interesse liberatur d. c. un. vers. si fa-
cta 2. F. 26. c. un. §. 1. 2. F. 7. Schneidvv. p. 4. c. 1.
n. 11. Ful. Clar. in §. Feudum quest. 26. Mynsing. cent. 4.
obs. 61. Vultrei. de Feud. c. 10. n. 10. Udalr. Zas. part. 6. n. 12.
Mozz. de subst. Feud. n. 36. vers. alius & tertius Dn.
Conrad. Rittersh. Disp. Feud. 2. th. 31. Hunn. tract.
Feud. c. 11. pag. 308. (c) ut ecce si Dominus coram
Paribus curiæ Vasallo dicat, Vade in possel-
sionem illius fundi & tene illum pro feudo c. un. 2.
F. 33. (d) quæ debent esse corporea & in ocu-
los incurrentia, ut Gladius, Vexillum Bacu-
lus, Virga, Annulus, Liber, Chiroteca, Ha-
sta, Torques, Sceptrum & c. c. un. 3. F. 2. & ibi Dd.
Ut autem sunt variæ Feudorum species, ita
quoq; infeudationis notæ & signa sunt variæ
Alia namq; in Regibus, alia in Episcopis, alia
in Ducibus*

in Ducibus, alia in Comitibus, alia item in
 Minoribus Vasallis adhiberi solent *Horomann.*
in disp. de Feud. c. 23. Schrad. de Feud. part. 5. c. 2.
n. 2. Schoner. Disp. Feud. 5. th. 23. Hodie ab Imp. ma-
 gnorum Feudorum Ducatus, Marchionatus,
 Comitatus Investitura fit per evaginarum gla-
 dium, ita ut Vasallus præstitâ fidelitate capu-
 lum apprehendat & extremum ejus conum o-
 sculetur; Ecclesiasticæ verò Personæ per bacu-
 lum investiantur, unde illa Feuda *Krumm-*
stäbische Lehen / oder vom krummen Stab her-
rührende Lehen appellantur, vide *Disp. collegij pri-*
mam th. 15. Vult. de Feud. lib. 1. c. 7. n. 29. Non-
 nunquam etiam Majora Feuda ab Imperato-
 re sub vexillis dantur, unde *Fahnlehn specul.*
Saxon. lib. 3. artic. 59. & 60. Recessus Imperij de An-
no 1521. §. Und behalten vns vor die Belehnung
 der Lehen / vnd Regalien der jenigen / die sie vnter
 den Fahnen öffentlich mit Solenniteten pflegen zu
 empfangen. *Schrad. in tract. de Feud. p. 2. c. 3. n. 6.*
Vid. disp. 1. th. 17. Accurratè tamen in hoc nego-
 tio cujuscunq; regionis consuetudo & Curie
 stylus est observandus. *Frideric. Schenk. Baro à*
Tautenberg in c. un. 2. F. 4. n. 3. Henric. à Rosenthal
in Synops. Juris Feudalis c. 6. conclus. 3. n. 1. lit. B.
Georg. Obrecht in tract. Feud. lib. 2. c. 8. n. 32. & seq
Modum investiendi Regibus Neapolitanis usi-
tatum ex Pontan. lib. 2. de rebus gestis Regis Ferdin-
andi Alphoni F. refert Henningius Arniseus lib. 1. de
Jur. Majest. c. 5. n. 18.

VII.

Efflorescit ex modò dictis quæstio in utramvis par-
 tē dudum disputata: Si Dominus post Investituram abu-
 sivam Mævio factam, Titio possessionem Feudi realiter
 tradiderit, uter potior existimandus? Posterio-
 rem Ti-

H

tium

tium, utpote cui data possessio, præferendum arbitramur, licet non inficias eamus, Dominum priori Mævio ad æquivalens & paris æstimationis feudum teneri.

c. un. 2. F. 8. arg. l. quotiens duobus 15. C. de Rei Vind. Herm. Vult. de Feud. c. 10. n. 11. Borcholt. c. 7. n. 12. Somsbec. part. 9. n. 33. Wesemb. c. 8. n. 16. Hartman. Pisterii part. 2. quest. 29. n. 11. Andreas Fachineus lib. 7. controvers. cap. 32. & seq. Arum. Disp. Feud. 5. th. 10. Dr. Matthias Stephani Disp. Feud. 4. th. 2. Bronchorst. cent. 2. Miscell. Jur. controvers. assert. 86. pag. 442.

VIII.

Certum tempus petendæ Investituræ in novo Feudo scita Feudistica non determinant, ad requisitionem verò Domini Vasallum comparere debere, fidelitatisq; juramentum præstare disponunt; Ideoq; si Vasallus ter admonitus ad Curiam Senioris venire reclamaverit, fidelitatemq; jurare noluerit, Dominus eum investire non tenetur; (a) Idem observare debet Vasallus in Persona Domini, cum ad paria judicentur. (b)

(a) *c. un. §. 1. 2. F. 24. Borch. de Feud. c. 7. n. 29. Curt. Junior de Feud. part. 4. n. 56. Mozz. de subst. Feud. n. 53. Arum. Disp. Feudal. 5. th. 24. Borerus de Investit. feud. c. 6. n. 2. Et licet cæteroquin regulariter jure receptum sit, ut citatio una peremptoria sit locotrium l. nonnunquam 72. ff. d. Judic. & ubi quinq; &c. hoc tamen casu præcisè trina admonitione seu citatione opus est, Vult. de feud. c. 7. n. 21. Gæd. Disp. F. 3. th. 5. lit. C. Namq; geminatio tenet firmitatem voluntatis ac consensus, inducitq; diversitatem ab actu simplici per l. quingenta 12. ff. de probat. Eberhard. in loci legal. in loco à vi gemina, multo magis id operabitur triplicatio, cum funiculus triplex difficilius rumpatur ut inquit gl. in c. un. verb. funiculi, de Trenga & paco.*

& p̄s̄e, afferente *Vvesemb. consil. 4. n. 30.* & tertio re-
petitæ clausulæ majorem quam geminatæ ha-
bent efficaciam *Pruckman. in tract. de Regalib. ru-
bric. c. 7. n. 78. Joacim. Scheplitz. in Promptuario Fu-
ris civ. & Feudalis tit. 1. S. 4. n. 7. & 8 (b) c. un. in
fin. 2. F. 6.* sed hortandus verecundè *l. cum ad-
firmes s. C. de liberal. caus. & salvâ reverentiâ
competenter cogendus c. un. 2. F. 22. ut posses-
sionem restituat, sin secus & ter admonitus In-
vestituram facere distulerit, tunc licet Vasallo
ad majorem potestatem ire & sibi consulere
& si Dominus ei justitiam facere noluerit, po-
terit eum deprædari d. c. un. 2. F. 22. Vid. Dn.
*Conrad. Rittershus. in Partit. Feud. lib. 2. c. 3. quest. 12.**

IX.

Tertia divisio Investituræ est in singularem, quando
Unus & Simultaneam (a) quando plures de eodem Feu-
do simul investuntur, cujus, in Jure Saxonico, maxi-
mus est usus. (b)

(a) *Hartm. Pistor. lib. 2. quest. 20. n. 4. & quest. 29.
n. 32. Henningus Gôden consil. 22. per tot. Vulr. de feud.
lib. 1. c. 7. n. 54. Dn. Ernest. Cothm. Consil. 26. n. 15.
& Jeqq. vol. 1. Vocant hanc Investituram con-
junctæ Manus, simultaneæ manus, Die gesam-
bte Hand oder gesamhte Belehnung obrecht in tr.
feud. lib. 2. c. 9. n. 1. Et his, qui simultaneè investi-
ti sunt his conjunctæ manus concessa, & jus
conjunctæ manus tributum dicitur, Das sie zu
rechter gesamhten Hand belehnet / ein semplich
Lehen außgebracht vnd erlanget haben / in gesamht-
ren Lehen sitzen / die gesamhte Hand haben an ei-
nem Lehen. Bocer. de Investit. feud. c. 2. n. 87. (b)
Est tamen differentia inter Simultaneam Inve-
stituram Jure Feudali communi cognitam,
& Jure consuetudinario Saxonico receptam,
nam illa*

nam illa secundum regulas Juris Feudalis definitur, hæc ex consuetudine interpretationem accipit; illa non ante petitur, quam si successio deferatur, ista totiens petenda vel repetenda, quotiens vel Vasallus Feudi possessor diem obit, vel Feudi Dominus moritur, vel aliqui Feudi Domini vel Vasalli Persona mutatur Hieronym. Schurff. cent. 1. consil. 16. in medio Dn. Cothm. d. consil. 26. n. 20. & seqq. vol. 1. & consil. 35. n. 9. & 10. vol. 3. ubi symbola ac notas simularaneæ Investituræ Saxonicæ recenset.

X.

Substantia Investituræ posita est in solennitatibus, (a) quibus si destituitur, nullius est effectus; (b) Inter illas primas sibi vendicat testium adhibitio (c) ad minimum duorum (d) eorundemq; Curia Parium. (e)

(a) c. un. in pr. verb. solenniter 2. F. 2. (B) c. un. 2. F. 32. (c) quippe quos non tantum ad probationem, sed magis ad substantiam actus, si subsistere debet, intervenire necesse est c. un. 2. F. 2. Rittersh. in Part. feud. lib. 1. c. 9. quest. 2. in fin. Wessemb. de F. c. 8. n. 14. Schenck Baro ad c. un. 2. F. 32. n. 1. & seq. Borch. de F. c. 7. n. 26. Vult. de F. c. 7. n. 25. Jacob. Aleman. in palest. consult. consult. 6. pag. 287. quapropter rectè Soubecius de feud. part. 9. n. 20. asserere videtur, Feudum non constitui, etiam si mille extranei testes adessent, quia scilicet Paros ad solennitatem Investituræ pertinent d. c. un. 2. F. 32. (d) pluralis enim locutio duorum numero contenta est c. un. §. 1. 2. F. 58. l. ubi numerus 12. ff. de Testib. Schneid. p. 4. n. 12. (e) sermo nobis est de Nova Investitura, Renovata namq; coram extraneis etiam rectè expediri potest c. un. 2. F. 32. Ratio hujus solennitatis est, nequa falsitas in perniciem Domini excogitetur, alijs testibus productis, pecuniâ forte

forte vel odio vel gratiã corruptis *c. un. 1. F. 26.*
vers. testes verò, qua suspicione Pares Curie non
 possunt onerari, cum arctiori vinculo Domi-
 no sint obstricti *c. un. §. idcirco 2. F. 58. Obrecht.*
tract. feud. lib. 2. c. 8. n. 61. Harrf. in analysi Feudal.
c. 9. lit. F. Bocerus de Investit. feud. c. 4. n. 54. Dn.
Cothm. consil. 41. n. 13. & seqq. vol. 3. Sunt autem
 Pares Curie, qui etiam dicuntur Pares Curtis
c. un. §. 3. 1. F. 4. Pares de domo *c. un. 1. F. 26.*
 Pares domus *c. un. 2. F. 16.* & absolutè Pares
ibid. Item Compares *c. un. 2. F. 54.* Convasalli,
 apud nos *Lehenmänner*, qui immediate ab eo-
 dem Domino, in eodem territorio seu in eadem
 ditione, quæ specialem habet titulum, & ad
 unius justam administrationem respicit, Feuda-
 tenent *c. un. §. testes 1. F. 26. Vult. de feud. lib. 1.*
c. 7. n. 24. Soub. part. 4. n. 2. Mynsing. cent. 4. ob-
serv. 89. VVesemb. c. 17. n. 3. Fachin. lib. 7. controvers.
c. 102. Atq; idèd Pares appellantur, quod respec-
 ctu inter se & beneficij ab eodem Dominico
 fonte profluentis Pares sibi invicem sint, Do-
 mini verò contemplatione dispares, utpote eò
 inferiores *Guthfr. Anton. Disp. 4. F. th. 6. lit. C. Dua-*
ren. de feud. c. 7. n. 3. VVesemb. d. c. n. 3. Obrecht dd.
lib. & cap. n. 60. Bocer. d. c. n. 52.

XI.

In horum defectum, vel si Dominus omninò nullos
 habeat, (a) vel si habeat, & comparere vel noluerint,
 (b) vel nequiverint, (c) Extranei adhiberi possunt, liberi
 interim (d) Masculi (e) ac Meliores, qui haberi pos-
 sunt. (f)

(a) *c. un. §. 1. 2. F. 2. c. 1. 2. F. 33. c. un. §. 1. 2.*
F. 58. cum necessitas sit exlex & solennitatibus
 Juris non reguletur *l. cum antiquitas 28. C. de Testam.*
Vult. de feud. lib. 1. c. 7. n. 27. Arum. Disp. Feud. §. th. 19.

H 2

(b) citandi

(b) citandi sunt Pares & aliquo tempore arbitrio Judicis definiendo expectandi, *Bocer. de Investit. feud. c. 4. n. 57.* si adhucnum tergiversentur & contumaciter emaneant multa indicta pænaliq; Judicis cogendi sunt, *Schenck. Baro ad c. un. in pr. 2. F. 2. n. 6. arg. l. un. ff. si quis Jus dicenti non obtemp c. un. §. si enim Domino, in verb. tum Domino cogente 2. F. 2. Vult. de feud. lib. 1. c. 7. n. 27. Bocer. d. l. n. 59. Obrecht tract. feud. lib. 2. c. 8. n. 65. Hunn. tract. F. c. 11. pag. 277.* Itaq; si hoc pænale judicium rei moram & exinde noxiam acceleraturum sit, alij, si quos habeat, vocandi sunt, si verò desint, rectè Extranei adhibentur *c. un. vers. si autem investitura 2. F. 2. c. un. §. quod autem dictum 2. F. 33. c. un. §. 1. 2. F. 58. Schneidw. in epit. feud. part. 4. n. 15. Schrad. de feud. part. 5. c. 2. n. 10. Vult. d. l. (c) fortassean ob longam itinerum intercapedinem, quocirca etjam propinquioribus existentibus remotioribus parcendum, æquitas suadet *Schenck. Baro ad c. un. 2. F. 2. n. 6. Vult. d. l. & n. (d) non servi, cum hi nullam Juris civilis communionem habeant l. quod attinet 32. ff. de Reg. Jur. Investituræ verò actus sit civilis c. un. §. 1. vers. alioqui 2. F. 58. (e). c. un. 2. F. 32. in fin. (f) c. un. 2. F. 58.**

XII.

Hæc ita procedunt in Laicis, in Clericis major est difficultas, utrum & illi Pares Curia adhibere teneantur? Distinctione difficultatis nodum refecamus,

Aut de rebus Ecclesiasticis investituram faciunt Clerici, & possunt quosvis indifferenter adhibere *c. un. vers. hæc omnia 1. F. 26.* aut de rebus patrimonialibus sive proprijs allodijs, quorum respectu Clerici pro Laicis habentur *l. de his clericis 3. ubi Dd. C. de Episcop. & Cleric. & tum merito*

merito Laicis adæquantur *c. un. in pr. 2. F. 32.*
Ratio differentia redditur *in d. c. un. in pr. ibi,*
in Clericorum Feudo 1. F. 26. Vid. Vult. de F. c. 7. n. 28.
qui prolixè hunc textum enodare allaborat, quem ta-
men Bocerus de Invest. Feud. c. 4. n. 63. corrigit. Videan-
tur quoq; Arum Disput. Feud. s. th. 21. Du. Matibias
Stephani Disput. F. 4. th. 9. Sonsbec. part. 9. n. 19. Borcb. c. 7.
n. 28. VVesemb. c. 8. n. 14. Obrecht. tract. Feud. lib. 2.
c. 8. n. 66. Hunn. tract. Feud. c. 11. pag. 279.

XIII.

Elegantissimæ hoc loci est quæstionis, Utrum si
errore Extranei adhibiti fuerint testes, qui Investituræ
tempore, pro Paribus Curia; consonâ omnium opinio-
ne habebantur, Investitura peracta sustineatur, vel
annihiletur?

Posteriori agentibus, cum Hunn. in tract. Feud.
6. 11. pag. 277. herbam porrigimus.

XIV.

Ad probandum id, quod Investiturâ actum est, &
multarum controversiarum inter Dominum & Vasal-
lum de facili gliscentium redimendarum gratia, solet
Investiturale Instrumentum *Ein Lehenbrief* (a) con-
fici, nonnunquam per Metonymiam Investitura, non-
nunquam Breve testatum (b) dicitur, quod si Infeuda-
tus sibi dari petat, Dominus omninò dare, & contra
Vasallus ejusdem tenoris antapochiam seu Reversale
reddere tenetur. (c)

(a) cui licet multùm tribuamus, cum scriptu-
ra accedat contractibus facilioris probationis
causa, & semper loquatur, *Sichard. ad l. 15. C. de*
Rei vindicat. attamen substantialem Investituræ
eam esse, eaq; omisâ totum actum corruiere
negamus *l. un. 2. F. 2. c. un. 2. F. 32. l. debitor. l. l.*
instrumen-

instrumentis 9. C. d. fide instrument. l. pactum quod 17. C. de pact. l. cum re transgisse. C. de transact. & ibi Richard. n. 4. Vult. d. F. lib. 1. c. 7. n. 42. VVesemb. c. 8. n. 31. Mozz. de subst. Feud. n. 63. Schneidw. part. 4. n. 20. Rosenthal. in synops. Feud. c. 6. conclus. 4. Dn. Conrad. Rittersb. in Partit. Feud. lib. 1. c. 9. quest. 1. Si verò hoc inter illos specialiter convenit, ut quicquid in Investitura actum, in scripturam redigatur, eo casu, nisi accedat, Investituram esse nullam ultrò fatemur l. contractus 17. C. de fid. instrum. §. sed hoc quidem I. de Empr. & Vend. Vult. de F. lib. 1. c. 7. n. 42. Hodie verò de consuetudine generali inveterata regulariter instrumentum Investituræ Ein Lehenbrieff (cujus formulas germanicas videre licet apud Schneidw. in Epit. Feud. part. 4. n. 29. in adnotat. lit. E.) tam de novo, quam veteri Feudo fieri & Domini sigillo muniri solet; Das man die Lehenbrieff veredert / Schneid. & Vult. precit. II. Obrecht. tract. Feud. lib. 2. c. 8. n. 76. & seq. (b) c. un. 2. F. 8. c. un. 2. F. 58. c. un. 1. F. 3. c. un. 1. F. 4. c. un. 2. F. 32. & passim. Est autem Breve Testatum instrumentum publicum c. un. §. si autem Investitura 2. F. 2. c. un. §. ult. 2. F. 25. investituræ negotium continens, testium subscriptione confirmatum. Vult. de Feud. lib. 1. c. 7. n. 42. Bocer. de Invest. Feud. c. 4. n. 68. (c) VVesemb. c. 8. n. 15. & 31. l. 17. C. de fid. instrum. ibiq. Dd. Vult. d. l.

XV.

Conficiendo huic instrumento testes adhibendi sunt; (a) Dequalitate eorum, non convenit inter FF. his Pares Curix, illis quosvis Extraneos requirentibus. (b).

(a) c. un. 2. F. 2. c. 1. §. sed & alij 2. F-32. (b) Obertus in dd. II. Pares Curix exigit, cæteri Me-

diolanen-

Siolanenses rescribunt, tam Pares quam Ex-
traneos sufficere *d. c. un. §. Consules 2. F. 32.* quæ
apparens *ἀνελόγία* multos in ea enodanda labo-
rantes dudum torfit & exercuit: Nos remur
nullam heic subesse difficultatem, quandoqui-
dem *d. c. un. 2. F. 32.* varias opiniones tantum
recenset & nihil certi definit.

XVI.

Subsequitur (a) Investituram fidelitatis (b) promif-
sio, in omni Feudo indiscriminatim (c) præstanda,
quam nisi faciat Vasallus, vel ipse, vel Procurator e-
jus nomine, (d) beneficiò, de quo spem habet, est cari-
turus: (e) Estq; alia Jurata, alia Injurata; (f) Illa Ligia
vel non-Ligia. (g)

(a) *c. un. 2. F. 4. c. un. §. 1. 2. F. 7. Dn. Rittersh. in part.
Feud. lib. 1. c. 10. quest. 1. Vult. de F. lib. 1. c. 7. n. 40.
Hunn. tract. Feud. c. 11. pag. 285.* (b) quæ feudo ita
essentialis est, ut sit unicum ejus fulcrum ac
nervus, quò inciso illud exinaniri necessum
est, Communiter dicitur Vasallagium, Homa-
gium, die *Lehenspflicht* / concinnius Hominium,
quam vocem elegantiore & antiquiore
putant *Cujac. 8. Obs. 14. & Serser de Furam. lib. 2.
c. 2. n. 5.* Fidelitatis vox generalis est, & om-
nia exhaurit, quæ specialiter in formula Ju-
ramenti de ea nominatim cõcepti *c. un. 2. F. §. 6. 7*
comprehenduntur. *Vult. d. l. n. 5. & seqq.* tripli-
cem Fidelitatem constituit; Unam Juramenti
subjectionis, quam subditus præstat intuitu U-
niversalis territorij & subjectionis, Die *Erb
vnd Landhuldigungspflicht der Bmerthanen / de
qua latè Andr. Knichen de Fur. territ. c. 2. n. 157. &
seqq.* Alteram Domesticitatis, Die *Dienstpflicht*
oder *Ampfspflicht* / quam domestici præstant ei,
cujus sunt domestici, respectu officij, quod in
I domo

domo habent; cujusmodi sunt Cancellarij,
Confiliarij, Dapiferi, Pincernæ, Camerarij,
aliiq; de familia *c. un. 2. F. 5.* Ultimam Vafalla-
gij five Homagij, Die Lehenspflichtshuldigung
quæ à Vafallo ob feudum sibi concessum præ-
fiatur Domino *c. un. 2. F. 4.* Hanc triplicem fi-
delitatem unus & idem præstare potest, si ni-
mirum, is sit Subditus, Officialis & Vafallus,
Vult. d. l. Dn. Conrad. Rittersh. Diss. Feud. 4. th. 39.
(c) etiam in modico, quia plus & minus, non
constituunt diversam speciem *l. ult. ff. de fund.
instruct. vel instrum. legat. & hoc generaliter cau-
tum est c. un. 2. F. 3. Rosenthal. in synops. Jur. Feud.
6. 6. conclus. 67. Vult. de Feud. lib. 1. c. 7. n. 37. Bocer.
de Invest. F. c. 4. n. 13. Hunn. tract. F. c. 11. pag. 286 ut
& in Franco Jacobin. d. S. Georg. in verb. qui quidem
investiti n. 74. Zas. part. 3. n. 3. Ful. Clar. in S. Feu-
dum quest. 16. n. 2. Bocer. d. l. n. 14. Hunn. d. l. (d)
*c. un. §. 1. 2. F. 3. c. un. 2. F. 58. Hartm. Pistor. 2.
quest. 47. in fin. Schrad. de F. part. 6. c. 4. n. 34. Vult.
c. 7. n. 32. Ful. Clar. d. §. quest. 47. n. 13. Wesemb.
c. 8. n. 24. Bocer. de Invest. c. 4. n. 22. & seqq.* Si ta-
men Dominus ob prægnantem causam ipsius
Vafalli corporalem præsentiam urgeat, perso-
naliter comparebit, & homagium ipse præsta-
bit ob periurij anceps periculum *l. pen. §. 4. ff. de
reb. cred. l. non solum 39. §. 1. ff. de Procurat. l. 123. ff. de
Reg. Jur. Jacobin. de S. Georg. d. l. n. 12. Moller. lib. 4.
Semestr. c. 20. n. 4. Schneid. part. 5. n. 88. Vult. de F.
lib. 1. c. 7. n. 32. Rittersh. in Partit. Feud. lib. 1. c. 9.
quest. 5. (e) c. un. vers. nulla autem 2. F. 3. l. cum
proponas 21. C. de pact. (f) d. c. un. in fin. 2. F. 3. Et
quidem regulariter fidelitatis promissio est ju-
ratoria, nisi vel pacto juramentum sit Vafallo
remissum *d. c. un. & c. un. §. 1. 2. F. 24.* qui si id-
ipsum non præstat, Vafallus per non Sacramen-
tum vo-**

rum vocatur c. un. in fin. 2. F. 47. vel Ecclesie
 feudum sit concessum c. un. 2. F. 101. in Extraord.
 Bocer. de Invest. Feud. c. 4. n. 18. Hattys. in analys.
 Feud. c. 9. lit. A. vel impubes sit infeudatus c. un.
 §. si Minori 2. F. 26. Bocer. d. l. n. 12. (g) Ligia,
 qua jurat fidelitatem contra omnem homi-
 nem, nemine excepto c. un. 2. F. 99. Wann der
 Lehman schweret / daß er sich wil gebrauchen
 lassen/wider menniglichen/ niemant außgeschlos-
 sen. Non-Ligia, in cujus præstatione aliquis
 nominatim excipitur. Bronchorst in Methodo Feud.
 c. 5. pag. 62. Vid. Disput. Colleg. 1. th. 23.

XVII.

Proponuntur in Jure Feudali tres formæ Vasalla-
 giæ fidelitatis, (a) quæ pro natura Feudi, loci consue-
 tudine, & pactis inter utrumq; Dominum & Vasallum,
 initis ut plurimum variant (b), si verò Dominus Vasal-
 lo insolita Jurisjurandi capitula obtrudere velit, pote-
 rit Jusjurandum recusare (c) tanquam impressivum,
 viq; extortum.

(a) c. un. 2. F. 5. 6. 7. inter quas maximè enu-
 cleata est, quæ ultimo loco adfertur, utputa
 quæ quam accuratissimè Vasallitiæ fidei par-
 tes exponit, quam & Feudista ait in omnibus fe-
 rè curijs obtinere ac frequè tari, *Rittersh. in Partit.*
Feud. lib. 1. c. 10. quest. 4. & seqq. ubi latè & eleganter
eam explicat. Obertus in c. un. 2. F. 6. sex ponit fi-
 delitatis capita, Incolume, Tutum, Hone-
 stum, Utile, Facile, Possibile, quæis Dd. duo,
 nempe Consilium & Auxilium superaddunt,
Sonsbec. part. 9. n. 21. Wejemb. c. 3. n. 27. Vult. c. 7.
n. 40. (b) arg. c. un. 2. F. 7. *Zaf. part. 7. n. 16.*
Schrad. part. 6. c. 4. n. 2. In Patria mea Pomer-
 ania sequens Jutamenti Vasallagij formula à No-
 bilibus ratione Feudi præstatur. Ich gerede /
 1 2 lobe vnd

tobe vnd schwere dem Durchleuchtigen Hochge-
 bornen Fürsten vnd Herrn N. N. vnd S. F. G.
 Erben eine rechte wahre Erbhuldigung/ S. F. G.
 treu/gehorsam vnd gewertig zu seyn/ S. F. G. be-
 stes zu wissen vnd fodern/ S. F. G. argste vnd
 schaden zu warnen vnd zuwenden/ nach meinem
 höchsten vermügen/ Ich wil auch in der stette nicht
 stehen / da S. F. G. an deroselben Fürstlichen
 Ehren / Würden vnd Gütern verkleinert solte
 werden / wann ich von S. F. G. vmb Rath ges-
 fürdert werde / daß rathen / daß meines erachtens
 S. F. G. zu Ehren vnd gute gerechten mäge/ vnd
 mich davon mein oder jemand's anders nutz/ gunst
 oder abgunst nicht ziehen oder bewegen lassen /
 Vnd die geheimniß/ daß es S. F. G. zu schaden
 oder nachtheil gereichen möchte/ nicht vermelden/
 vnd wil auch meine Lehengüter / die Ich von
 S. F. G. habe/ nirgend anders/ dann von S. F. G.
 verrecken noch vordienen / vnd ob ich esliche
 vorschwiegene Lehne erführe/ die wil ich S. F. G.
 vormelden/ vnd mich sonst gegen S. F. G. in allen
 thun halten / als einem frommen/ treuen Vn-
 zhanen vnd Lehenman geziemtr vnd gebühret/ Als
 mir Gott helffe vnd sein heiliges Euangelium. Si-
 miles formulæ videri possunt apud Herman. Vult.
 lib. 1. de Feud. c. 7. n. 40. Georg. Obrechr. tract. Feud.
 lib. 2. c. 8. n. 28. Bocer. de Invest. Feud. c. 4. n. 20. (c)
 Borch. de F. c. 7. n. 39. Rosenthal in synops. Feud.
 conclus. 69 n. 14. & conclus. 86. n. 3. Hartm. Hart-
 manni 2. pract. Obs. sub tit. de Feud. n. 14. Jacob. de S.
 Georg. in verb. qui quidem investiti n. 2. Vult. lib. 7.
 c. 7. n. 40. Seiser. de Juram. lib. 2. c. 2. n. 19. Bocer. d.
 tract. & c. n. 21.

XVIII.

Qualitas Investituræ partim in modo consistit, ut
 fiat vel

fiat vel purè, vel in diem vel sub conditione (a) dummodo honesta sit & possibilis. (b)

(a) *c. un. 1. F. 2. c. un. 1. F. 9. c. un. 2. F. 35. Bocerus de Invest. Feud. c. 5. d. n. 1. aduq. 12. Vult. lib. 1. c. 7. n. 44.*

(b) impossibilis etenim conditio Investituram vitiat, cum quamvis etjam conventionem irritam faciat *l. non solum 31. ff. de O. & A. l. impossibilis 7. ff. de V. O. §. si impossibilis l. de inutilib. stipul. Goed. in tract. d. contrab. & committend. Stipul. c. 8. conclus. 9.*

XIX.

Partim in accessorijs spectatur, puta pactis quæ ut alijs negotijs (a) ita & Investituræ apponi solent, quam alterant atq; modificant. (b)

(a) quibus adjecta formam & legem dare solent *l. Furigentium 7. §. 5. ff. de pact. l. in conventionalibus 52. ff. de V. O. l. 1. §. 6. ff. Depositi. l. contractus 23. ff. de Regi. Jur.* (b) *c. un. §. 2. 1. F. 8. c. un.*

*§. ult. 1. F. 14. c. un. in fin. 2. F. 3. c. un. in pr. 2. F. 8. c. un. 2. F. 50. Hæc pacta Feudorum Placita non nunquam Legem Investituræ vocant *c. un. in pr. 2. F. 48. non nunquam ejus Tenorem c. un. §. 1. 1. F. 6. c. un. §. 3. 2. F. 2 c. un. in pr. & §. fin. 2. F. 18. prout qui omni naturæ Feudorum derogat Borcholt de Feud. c. 1. n. 25. Johann. Petr. Surd. consil. 153. n. 11. & in angustijs ac renovationibus hoc nobis est, quod Nauris laborantibus Cynofura Gothofred. Anton. Disp. Feud. 4. tb. 7. lit. F.**

XX.

Horum quædam pertinent ad ipsam Feudi substantiam; contra quam pacisci prohibemur.

arg. l. 12. ff. de precar. §. si impossibilis l. d. inutilib. stipul. l. 26. & seqq. ff. de V. O. l. 7. & l. 50. ff. de pact. l. 6. C. eod. ibiq; Sichard. l. 15. ff. de Condit. Instir. Ita non valet pactum ne fides à Vasallo præstetur.

Das der Lehentman nicht getrew vnd gewertig
 oder diensthafflich sein wolle/wie einem aufrechten
 Lehentman gebührt vnd gezimbt / licet valeat ne
 jurata præstetur *ut supra* th. 16. lit. F. *asserimus.*
 Enimverò Juramentum non est pars substan-
 tialis fidelitatis, sed civili saltem ratione ad
 astringendam Vasalli fidem adhibetur *c. un. 2.*
F. 3. dein quoq; Vir integer absq; juramento
Domino potest esse fidelis. Thom. de Marin. de
feud. tit. 16. n. 7. Ita etjam nullius roboris est pactū,
 ne ob Feloniam Vasallus Feudo cadat *c. un. §.*
f. 2. F. 3. c. un. §. Domino 2. F. 26. c. un. 2. F. 38.
c. un. 2. F. 47. arg. l. Julianus 9. §. 3. ff. ad Exhi-
bend. & alia ejusdem farinae Feudi essentiam
 subvertentia, quorum aliqua multa *Dn. Conrad.*
Rittershus. in Partit. F. lib. 1. c. 11. quest. 1. Bocerus
 & *Vultejus sparsim* recensent.

XXI.

Quædam respiciunt Feudi accidentia & secunda-
 rias notas (ut loquuntur) quæ, prout convenerit, mu-
 tari possunt, & valent, etjam si prorsus illis sint con-
 traria (a) modò non sint contra bonos mores. (b)

(a) *c. un. §. 3. 2. F. 2. c. un. vers. sed qualitercunq;*
2. F. 48. Vult. lib. 1. d. Feud. c. 7. n. 55. vers. Pacta
autem. Sic pactò Investituræ caveri potest, ne
 præstet Vasallus Domino suo servitia *c. un. 2.*
F. 104; Item ut Vasallus suis ipsius sumptibus ca-
 dem præstet *c. un. 2. F. 107. Borchoit de feud. c. 1.*
n. 25. Ut Domini uxorem festivis diebus co-
 mitetur *c. un. §. 3. 2. F. 2;* Ut festivis diebus co-
 ram Domino testudine, aliòq; instrumentò
 ludat, aut ramum viridem & florigerum por-
 tet, vel aliud quid simile existimationem fu-
 am non devenustans faciat *Andr. Knichen tract*
de pact. Invest. c. 1. n. 13. & seqq. Bocerus de Invest.
feud.

*feud. c. f. n. 38; Ut foemina succedat c. un. §. 3.
x. F. 1. c. un. §. 2. x. F. 8; Ut irrequisitō
Domini consensu Feudum donare, vende-
re vel alio modo alienare possit c. un. 2. F. 48.
Ludolph. Schrad. de feud. part. 6. c. 1. n. 15. (b) arg.
l. Jus publicum 38. ff. de pact. l. si flagitiū 123. ff. de
V. O. Wesemb. in paratit. ff. de pactis n. 6. in fin.*

XXII.

Pactorum interpretatio, si tenor Investituræ per-
spicius, prout verba sonant, (a) si obscurus ac dubius,
ex communi observatione isthūs loci, ubi de eadem
controvertitur, (b) si verò de loci consuetudine nihil cō-
stet, secundum genuinam feudi naturam facienda est.

(a) arg. l. ille 25. §. 1. ff. de legat. 3. Harum. Pistor.
lib. 2. quest. Jur. quest. 1. n. 4. Göden consil. 27. n. 2.
& consil. 104. n. 14. Pruckm. consil. 22. n. 69. vol. 2.
(b) l. in obscuris 114. ff. de Reg. Jur. l. semper 9. ff.
eod. utrobis; Philipp. Matthæi. Bocer. de Feudi accidenti-
c. 3. n. 23. & seqq. & in tract. de Investit. Feud. c. 5.
n. 102. & seqq. Vult. lib. 1. de Feud. c. 7. n. 56.

XXIII.

Constituitur Feudum Investiturā, vel id, quod non
est, faciendo, vel id, quod est, renovando: Hucusq;
quomodo Feudum, quod nondum est, per Investituram
constituatur, indagavimus, consequens est, ut videam-
us, quomodo feudum, quod est, per Investituram
renovetur.

XXIV.

Renovatio, nobis die *Lebensvernewerung*, est redin-
tegratio ac confirmatio Investituræ primitus de feudo
factæ; Quæ recognitio totiens petenda est, quotiens
vel Domini vel Vasalli Persona mutatur, puta alteru-
trō vel utrōq; lucis hujus feudo privato.

c. 110. 2.

c. un. 2. F. 40. c. un. civ. fin. 2. F. 24. c. un. vers. prætere a si quis 2. F. 55. Petitiõ quippe Investituræ signum est reverentiæ, quam Vasallus Domino debet exhibere; Aliam hujus rei rationem reddit Jul. Clar. in § Feudum quest. 49. n. 1. nempe virtutem juramenti à defuncto præstiti, utpote quod est personale, non egredi Personam jurantis, sed cum illa expirare, morte omnia solvente §. 1. I. de perpet. & temp. act. N. 22. c. 20. atq; idem hanc juramenti renovationem esse necessariam, ut specialiter & magis efficaciter ex proprio juramento filius Domino obligetur Setser de Juram. lib. 2. c. 2. n. 9. Vult. lib. 1. de Feud. c. 7. n. 58. Dn. Conrad. Rittersh. in Partit. Feud. lib. 1. c. 9. quest. 9. Hattys. in analys. Feud. c. 9. lit. A. Joachum. Scheplinz. in Promptuar. Fur. civ. & Feud. tit. 1. §. 1. n. 30.

X X V,

Hanc Investituræ renovationem Vasallus Paganus intra annum & diem (a) à tempore scientiæ mortis Domini computatum; (b) Vasallus miles intra annum & Mensem (c) petere debet, nisi sonitiæ quædam causæ accusationem merentes sint impedimento. (d)

(a) *c. un. 2. F. 24. c. un. 2. F. 40. c. un. §. 3. 2. F. 52. c. un. §. præterea 2. F. 55. (b) c. un. §. 1. ibi ex quo sciverit computando 2. F. 9. Jul. Clar. in §. Feudum q. 49. n. 3. Gail. 2. obs. 48. n. 8. Vult. lib. 1. d. feud. c. 7. n. 68. Unde apparet tempus hoc à principio quidem esse utile, sed post scientiam continuuum. Schneid. part. 5. n. 55. Hartm. Hartmanni de feud. obs. 12. vers. Unde illud tempus, Vult. d. l. n. 71. (c) *c. un. l. F. 22. Sonsbec. part. II. n. 7. Schrad. part. 6. c. 2. n. 73. Jul. Clar. d. l. n. 2. Bocer. de Invest. feud. c. 6. n. 7. Dn. Matthias Stephani Diss. Feud. 4. th. 14. Quidam hanc distinctionem Vasalli**

Pagani

Pagani & Militis reijciunt in d. c. un. §. F. 22. pro
voce Mensen ponentes Diem, Petrus Heig. lib. 1.
quest. 16. Borcholt de Feud. c. 7. n. 32 Verum lectio
constans ab unguibus rasorijs & violentis ex-
punctionibus illibata conservanda est, præ-
sertim cum & hic inter utrumq; manifesta di-
versitatis ratio dari possit Valent. Arithm. Disp.
feud. 7. th. 15. lit. B. (d) c. un. 1. F. 22. l. 50. l. 109. l. 140.
l. 187. ff. de Reg. Jur. Mynsing. cent. 5. obs. 9. Rosenth. in sy-
nopsi Jur. Feud. c. 6. conclus. 69. & seqq. Gail. 2. obs. 152.
n. 13. Vult. d. l. n. 72. & seqq.

XXVI.

Hoc legale tempus Dominus invito Vasallo neq;
constringere (a) neq; prorogare aut protelare potest. (b)

(a) l. 2. l. 4. §. si quis ff. de re judicat. l. 5. C. de adult. l. 41.
l. 59. ff. de V. O §. 2. l. eod. Borcholt. c. 7. n. 36. 3; se cus
ex dispositione Juris Saxonici, Landrecht. cap. 22.
Vult. lib. 1. c. 7. n. 62. (b) arg. c. un. in f. 2. F. 6. c. un. §.
1. 2. F. 33. Vult. d. l. Dn. Matth. Stephani Disp.
Feud. 4. th. 15. Borch. c. 8. n. 133. Schneid. part. 5. n. 127, Bo-
cer. de Invest. Feud. c. 6. n. 9. Hunn. tract. Feud. c. 11.
pag. 303.

XXVII.

Vidimus quomodo Feudum per Investituram consti-
tuitur, proximum est perspicere, quomodo consti-
tutum acquiratur: Acquiritur inter vivos dupliciter,
vel per Præscriptionem vel per Adjudicationem, sive
Sententiam Judicis.

XXVIII.

Si quis per 30. annos (a) rem aliquam ut feudalem
(b) bona fide (c) sine interruptione (d) possideat, (e) re-
quisitus Domino Vasalliticum servitium (f) exhibuerit,
eam per præscriptionem acquirat, quamvis de eadem
non sit investitus. (g)

(a) c. un. §. si quis per 30. annos 2. F. 26. Borcholt. de

⚔

Feud. c. 7.

Feud. c. 7. n. 4. & 5. hanc rationem assignat, quod
 propterea rerum feudalium præscriptio 10. vel
 20. annis non sit contenta, quia durior est &
 majoris præjudicij, quam rerum allodialium.
 Vasallus enim obligatur per hanc ad plurima
 Domino & versâ vice ut arguit. *text. in c. un. 2. F. 7.*
 (b) *d. c. un. §. si quis per 30 ann.* Franciscus Balbus tract.
de præscript. 4. part. quart. princip. quest. 12. n. 1. pag. 264.
 ubi multis (c) intuitu Juris Canonici *c. 5. c. ult. X.*
de Præscript. c. possessor de Reg. Fur. in 6. & consuetu-
dine diutinâ feudali c. un. 2. F. 87 in Extraord. de
qua etjam testantur Mynsing. cent. 4. obs. 6. Gail. 2.
obs. 18. n. 2. Rosenth. in synops. Fur. Feud. c. 6. conclus. 77.
lit. H. Vult. lib. 1. de Feud. c. 9. n. 14. (d) ut arguit vo-
 cula P E R in *d. c. un. 2. F. 25. & ibi Schenck. Baro n. 3.*
& c. un. 1. F. 28. (e) Nam sine possessione præscri-
 ptio nulla est *l. sine possessione 25. ff. de Usurp. &*
Usucap. (f) d. c. & vers. si quis per 30. ann. ubi Dd. do-
 cent sufficere si semel intra legitimum tempus
 servitium exhibuerit, *Boyer. in tract. de Præscript.*
Feud. c. 3. n. 11. (g) *d. §. si quis per 30. ann. Boyer. d. tract.*
c. 4. n. 2. & seqq. Arum Disp. Feud. §. ib. 30.

X XIX.

Procedit hæc Præscriptio utrinq; tam à parte Va-
 falli quam à parte Domini; Hic enim si per totidem an-
 nos nomine alicujus fundi, qui revera erat allodialis
 à Domino servitia feudalita receperit, isthjus fundi di-
 rectum dominum præscribit.

l. cum de in rem verso 6. ff. de usur. l. litibus 20. C. de
agric. censit. & colon. c. un. §. si quis per 30. ann. ubi Dd. 2.
F. 26. argumento correlativorum, quorum
eadem ratio esse debet l. ult. C. de indict. viduit. Jul.
Clar. in §. Feudum q. 19. n. 1. quest. 45. n. 1. Mynsing. 4.
obs. 29. n. 9. Borcholt c. 7. part. 3. n. 9. Vult. lib. 1. de
feud. c. 9. n. 16. Obrecht lib. 2. c. 6. n. 34. & seqq. Duaren.
de F. c. 8. n. 2. Hunn. in tract. Feud. c. 11. pag. 313. Boyer.
de Præscript. feud. c. 2. n. 26. & seqq.

XXX.

Nonnulli hanc tricennem præscriptionem (a) ratione objecti producant, ut sufficiat in rebus secularibus privatis, in publicis & Ecclesiasticis non item, prout quæ 40. annos desiderant; (b) Sed perperam. (c)

(a) quam à Theodosiano Juniore introductam eleganter *Cassiodor. lib. 5. var. Epist. 37.* vocat *Patronam humani generis*, quod nempe adferat finem controversiarum, & quasi securis sit litium *Dn. Rittersh. in Part. Feud. lib. 2. c. 18. quest. 6.* (b) *N. III. & 131. l. ult. C. de S. Eccles. l. cum notissimi 7. C. de præscript. 30. vel 40. annor. Borch. c. 7. part. 3. n. 8. Rittersh. in Part. F. lib. 1. c. 48. n. 7. Zas. part. 6. n. 31. Rosenth. in synops. Fur. feud. c. 6. conclus. 78. n. 8. lit. G.* (c) ob generalitatem Juris Feudalis in *9. si quis per 30. annos*, qui quoniam indistincte loquitur, nec nos distinguere oportebit *l. 8. ff. de Public. in rem act. Schenck Baro in sapissimè allegat. 5. si quis per 30. annos. Vult. lib. 1. c. 9. n. 8. Bocer. de Præscript. feud. c. 2. n. 15. & seqq. Obrecht lib. 2. c. 6. n. 19. & seq. Hunn. tract. feud. c. 11. pag. 312.*

XXXI.

Sententiâ Judicis Feudum acquiritur, si de fundo quodam controversia oboriatur, altero eum Allodialem, altero Feudalem dicente, & Judex eum feudalem, qui ex ipsa rei naturali veritate potius est Allodialis, pronunciaverit, atq; sententia Judicis in rem judicatam transiverit.

l. res judicata 207. ff. de Reg. Jur. & ibi Philipp. Matth. n. 5. & seq. l. ingenuum 25. ff. de stat. hom. l. fin. C. sentent. rescindi non poss. l. 1. C. de condict. indebit. ubi Scharh. n. 4. Vult. lib. 1. de Feud. c. 9. n. 22. Obrecht in tract. Feud. lib. 2. c. 5. n. 19. & c. 11. n. 16. Rosenth. d. c. 6. conclus. 72. n. 2.

K 2

COROL.

COROLLARIA.

DUrae & omnino barbarae videntur consuetudines Feudales
in c. an. vers. contra omnes 2. F. 28, in quo sine ullo temperamento
 volunt, Vassallum debere contra omnes Dominum adjuvare, &
 contra fratrem & filium & patrem; Quocirca quod in interpre-
 tatione omnium LL. faciendum, etiam *hic vers. reducendus erit*
 ad honestatem & principia Juris Naturalis, ne jura sanguinis
 convellantur quae sunt & dicuntur immutabilia §. 11. l. de Jur.
 Nat. Gen. & civ. *Seser de Juram. lib. 2. c. 2. n. 20. Bocerns de Investitura*
feud. c. 4. n. 34. & seqq. Arnis. de Jur. Majestat. lib. 1. c. 5. n. 12.

II.

Nobiles in pagis suis omnimodam Jurisdictionem habentes
 tale statutum, Ne subditi ipsorum ab alijs, quam ipsis cerevisiam
 emant, condere nequeunt, tum quia ad quæstum Domini haut
 comparatae sunt Jurisdictiones, *Nov. 17. c. 1.* tum quia ob urgentes
 rationes Mercatura Nobilibus est interdicta LL. adeo ut non-
 nulli audacter asserant, quibus adstipulatur *Mysing. cent. 5. obs. 54.*
 mercaturam Ecclipsin Nobilitatis causare eamq; obtenebrare, a
 quibus tamen divortium facit *Bocer. de Regalib. c. 2. n. 52. & seqq. Vi-*
deatur Dn. Matth. Stephani in tract. de Nobilit. lib. 1. c. 7. ubi de hac materia
a n. 4. usq. ad n. 19. inclusivè indulgentius & elegantius differit.

— — — — —

Præstantissimo & Doctissimo DN. CHRISTOPHO-
 RO PAULI commensali suo dilecto;

HAETenus in Themidos dum te Rosa Balthica castris
 Christophore assiduum vidit, sibi maxima de te
 Promisit: quid non nunc, dum te cernit aperto
 Intrepidus animis miscentem praelia campo,
 Expectet? Promachum Furis te dicet & equi,
 Vindicibusq; Deae Dices tua nomina junget.

JOHANNES QVISTORPIUS Theol. D. Prof. & Ecclesiast.

Eidem Commensali ac Contubernali suo colendo;

A Fer erat Scipio de Afrorum gente reversus;
 Sic PAVLUS PAULI nomen & omen habet.
 Ille Afros domuit sed PAULI hic scripta subegit
 Et Longobardum iura. Quid ulterius?

amicitiæ ergo GERHARDUS GRAVE
 Disput. V.,

XXX.

Nonnulli hanc tricennalen-
tione objecti producant, ut su-
bus privatis, in publicis & E-
prout quæ 40. annos desidera-

(a) quam à Theodosiano Ju-
elegantè Castiodor. lib. 5. var-
tronam humani generis, quæ
finem controversiarum, &
um Dn. Rittersh. in Part. Feud.
N. III. & 131. l. ult. C. de S. S. E.
C. de præscript. 30. vel 40. annor.
Rittersh. in Part. F. lib. 1. c. 48. q.
senth. in synops. Fur. feud. c. 6. c.
(c) ob generalitatem Juris
per 30. annos, qui quoniam
tur, nec nos distinguere opor-
blic. in rem act. Schenck Baro in
quis per 30. annos. Vult. lib. 7. c.
script. feud. c. 2. n. 25. & seq.
n. 18. & seq. Hunn. tract. feud. c.

XXXI.

Sententiâ Judicis Feudum
quodam controversia oboriarum
lem, altero Feudalem dicente, &
qui ex ipsa rei naturali veritate
pronunciaverit, atq; sententiâ
tam transiverit.

l. res judicata 207. ff. de Reg. Jur.
n. 5. & seq. l. ingenuum 25. ff. de
sent. rescindi non poss. l. 1. C. de
Sichard. n. 4. Vult. lib. 1. de Feud.
in tract. Feud. lib. 2. c. 5. n. 19. &
d. 6. conclus. 72. n. 2.

K 2

onem (a) re-
bus seculari-
non item,
erperam. (c)

etam
at Pa-
ferat
t liti-
i. (b)
imi 7-
3. n. 8.
x. Ro-
it. G.
si quis
oqui-
de Pu-
S. si
e Pra-
h. c. 6.

si de fundo
um Allodia-
n feudalem,
Allodialis,
rem judica-

datib.
C. sen-
it. ubi
brecht
senth.

OL-

